

GILUWAS SA DIOS



GIHIGUGMA KA SA DIOS UG GUSTO NIYA MAKAUBAN KA SA LANGIT

Kay gihigugma gayod sa Dios ang kalibotan, mao nga gihatag niya ang iyang bugtong Anak, aron nga si bisan kinsa nga motuo kaniya dili malaglag kondili maka angkon hinuon ug kinabuhi nga walay katapusan. Juan 3:16

GUSTO SA DIOS NGA HATAGAN KA UG KINABUHI NGA WALAY KATAPUSAN

Ang pagpamatuod mao kini: ang Dios naghatag kanato sa kinabuhing walay katapusan ug anaa kini sa iyang Anak. Ang midawat sa Anak may kinabuhing walay katapusan. Apan ang wala modawat sa Anak sa Dios wala makabaton sa maong kinabuhi. Gisulatan ko kamong tanan nga nagtuo sa ngalan sa Anak sa Dios aron masayod nga kamo may kinabuhing walay katapusan. I Juan 5:11-13

“Susiha kon sa unsang paagi ang Dios makaluwas kanimo gikan sa sala ug kamatayon ug dad-on ka sa langit.”

ANG SALA

**NAGBULAG KANIMO
GIKAN SA DIOS**

Kay ang tanang mga tawo
nagpakasala ug dili takos
atubangan sa Dios.
Roma 3:23



**DAGHAN MANINGKAMOT SA PAGTUKOD UG TULAY
PINAAGI SA ILANG MAAYONG BUHAT O SA ILANG
PAGKARELIHIYOSO, APAN KINI DILI MODALA
KANIMO NGADTO SA LANGIT**

Kay tungod sa grasya sa Dios naluwas kamo
pinaagi sa inyong pagtuo kang Hesu-Kristo.
Kini gasa gikan sa Dios ug dili pinasikad sa
inyong mga binuhatan, busa wala gayoy
makapasigarbo. Efeso 2:8-9

**USA LANG KA TULAY MAKABUT SA DIOS,
USA LAMANG!**


SI HESUS

MAO LAMANG ANG TULAY NGADTO SA LANGIT

Mitubag si Hesus kaniya, “Ako mao ang dalan, ang kamatuoran, ug ang kinabuhi. Walay makaadto sa Amahan kon dili pinaagi kanako.” Juan 14:6

Apan si Kristo namatay alang kanato bisan pa ug makasasala kita. Sa ingon niini nga pamaagi gipakita sa Dios ang iyang paghigugma kanato. Roma 5:8

Kay ang silot sa sala mao ang kamatayon, apan ang kinabuhi nga walay kataposan mao ang gasa sa Dios sa mga anaa kang Kristo Hesus nga atong Ginoo. Roma 6:23



SALIGI UG DAWATA SI HESUS KARON DAYON!

Kon isugilon mo nga si Hesus mao ang Ginoo ug nagatuo ka sa kinasingkasing nga gibanhaw siya sa Dios gikan sa kamatayon, maluwas ka.

Roma 10:9

Apan si bisan kinsa nga midawat ug mituo kaniya gihatagan niya ug katungod nga mahimong anak sa Dios. Juan 1:12

MGA LAKANG ARON MALUWAS KA KARON:

1. Angkona nga makasasala ka ug nanginahanglan sa usa ka Manluluwas.
2. Paghinulsol ug biyai ang imong mga sala ug balik sa Dios nga si Hesu Kristo.
3. Saligi nga si Hesu Kristo namatay sa krus alang kanimo ug nabanhaw gikan sa lubnganan isip bug-os nga bayad sa silot sa imong mga sala.
4. Dapita si Hesus sa pagsulod sa imong kasingkasing. Hangyoa siya nga luwason ka gikan sa sala, kamatayon, ug impyerno.

PAG-AMPO NIINI KUNG GIKAN GAYUD SA IMONG KASINGKASING:

Hesus, nagatuo ko nga ikaw ang Anak sa Dios. Nagtuo ko nga ikaw namatay sa krus isip bug-os nga bayad sa silot sa akong mga sala. Nagatoo ako nga nabanhaw ka gikan sa kamatayon ngadto sa kinabuhi. Naga-angkon ako nga makasasala ko ug nagkinahanglan ug Manluluwas. Karon nagahinulsol ako ug nagatalikod sa akong mga sala. Nagasalig ko kanimo lamang alang sa akong kaluwasan. Palihog, anhi sa akong kasingkasing (kinabuhi) ug luwasa ako gikan sa akong mga sala. Karon, pinaagi sa pagtuo lamang, nagasalig ako kanimo isip akong Manluluwas. Amen.